



Universitäts- und Landesbibliothek Sachsen-Anhalt

urn:nbn:de:gbv:3:1-615395-p0001-7

DFG

Taubmann. *quicunque*

approbatum. semel regalari non potest. 148. 53

quod posset dicunt. amplius dissimilare non debet p. 229. num. 4.

L. 9.
M. 6. 10



47 129

DISPUTATIO JURIDICA
De
EMTIIONE
ET VENDITIONE.

Quam

Adspirante divino Favonio
Indultū

Magnifici Ordinis Ictorum
In illustri Leucoreâ

PRÆSIDE

Viro Amplissimo atq; Consultissimo

DN. MICHAELE LEDER-
RO, J. U. D. Facultatis Juridicæ Assessore & p. t. De-
cano spectatissimo, ut & Electoralis Advocato Ordinario,
Præceptore atq; Promotore suo, optimo,
maximo.

Placidæ disquisitioni
subjicit

GEORGIUS BURCHARDI, Witteberg.

Ad diem Februarij, In Auditorio Iector.

Horis consuetis.

G. Martini


• & [+] •

WITTEBERGÆ,
Ex Officina Typographicâ JOHANNIS HAKEN, 1650.

48

XXII







JOVA JUVA !

Quanquam materiae hujus dignitas & amplitudo, non patiatur paucis se includi paginis, sed prolixam sibi vendicet operam. Cui multi antehac Celebrissimi ingenio Viri invigilarunt, animus tamen mihi est, pro ingenij tenuitate, pauca de Emitione & Venditione, delibare. Ne vero rem immensi operis adorienti, illud Photæ objiciatur: audesne Juvenis de tam arduis rebus disserere? venia mihi opus est, quam paratam fore reor, cum non ingenij temeritas, sed nobilitas potius materiae in amore me sui allegerit. Interea conatus, si non ipsa opera, laudabitur, aut excusabitur.

THESIS I.

Contractus Emtionis & Venditionis (*a*) cum ipsa gente humana originem videtur sumfisse (*b*). De quo aliquid dictrus, opera pretium erit, in antecessum certam progediendi rationem delineare. Ac considerabimus Emtionem Venditionem, vel totaliter; vel partialiter. Totaliter, tum in Definitione, eaquè vel Nominali, quæ absolvitur in Etymologia, & Homonymia; vel Reali: tum in Fine. Partialiter; vel respectu Divisionis: vel respectu Constitutionis, quæ sub se complectitur Requisita substantialia, Causam sc. efficientem proximam, & Materiam circa quam: Materiam in qua: Effectum: & accidens: vel respectu solutionis.

(*a*) Sumitur hic vocabulum Emtionis & Venditionis latissimè, ut sub se permutationem simul comprehendat, prout in eadē significatione Imperator illud accipit, *S. 2. Inst. de Emtion. & Vend.*

Vendition. (b) Humanam gentem non minus indigentia, quam Natura autore sociam, verisimiliter quis dixerit. Cujus sublevanda gratia permutatio, quæ priscis gentibus Emtio - Venditio erat, prout ex §. 2. *Inst. de Emt. & Vend.* addiscere licet, ad inventa. Qua ratione Imperator hunc contractum vetustissimum appellat, d. §. 2. *Inst. b. t.* Cum verò hic contradicatur multis laboraret difficultatibus, quippe cum id, quod alteri supereat, non statim alteri desit, homines, postquam cœperunt sapere, sponsorēnummum amplexi, quo hisce consuleretur difficultatibus, atq; hanc contractum Emotionis- Venditionis à Permutatione separarunt, nomine ei indito speciali, prout latius differit Ictus Paulus, in l. i. ff. *de Contrab. Emt.*

THES. II.

Definitio Nominis consistit in Etymologia, & Homonymia. Emotionis etymon alij constituant Græcum ἐμοὶν (a). Aliis placet vocabulum Emotionis ab infinito emere deduci, (b) adeoq; Latina origine gaudere. Venditionis vulgaris hæc est derivatio, quando deducitur à venum & datio. Nos litem hanc nostram non faciemus, sed Grammaticis eam committimus.

(a). Quia id in Emotione potissimum agitur, ut res fiat mea, & pen. §. ult. ff. *de contrab. Emt. Val. Guil. Forst. part. i. Just. Tract. Disp. 18. tb. i.* (b) *Vid. Pacius, de Emotione & Vend. axiom. 6.* (c) *Paciū d. axiom. 6.*

THES. III.

Homonymia omnis præcidenda, priusquam ad Definitionem Realem accessum facimus. Sumitur vocabulum Emotionis in Jure nostro Civili (1) generaliter (a) (2) Specialiter & propriissime. (b) (3) Impropriissime & abusivè (c) Sic Venditionis vocabulum tum generaliter (d) sumitur, tum specialiter. (e)

(a) Pro quavis alienatione rerum earum quæ in commercium veniunt, i. statu liberi. S. Quintus Mucius. i. vers. quoniam lex. ff. de con-

de contrah. Emt. (b) Pro ea contractus Emotionis & Venditionis parte, in quâ pro Re recipienda unus contrahentium incertum, pretium dandum consentit. Qua in significetione tot. tit. Inst. de Emt. & Vend. C. de contrah. Emt & multis legib. D. eod. sumitur; atquè nos hic acceptum volumus. (c) Quando vocabulum emere, sumitur pro locare, ut in l. ea lege. 51. §. locavi. 1. ff. de locat. conduct. l. si hi qui 14. C. eod. uti notat Pantzschmann. lib. 1. quæst. 17. n. 24. (d) Pro omni rerum alienatione quæ sit per commercia, ut in l. sicut 8. §. venditionis 11. ff. quib. mod. pign. vel hypothec. solv. (e) Quando eam denotat Contractus Emotionis. Vēditionis partem, qua pro pretio recipiendo unus contrahentium in certam mercedem tradendam consentit. Qua in significetione hī acceptum placet.

THES. IV.

Sic fuit Definitio Nominis, sequitur Definitio Rei. Contractus v. Emotionis-Venditionis in Jure nostro definitus non reperitur, dehinc variæ Dd. audiuntur definitiones, (a). Præ cœteris tamen arridet magni illius Jcti Wessenbecii, qui in Paratit. ff. de contrah. Emt. hanc ponit definitionem: Emtio & Venditio (b) est contractus (c) Juris gentium (d) nominatus, (e) bonæ fidei, (f) in quo per cōfessum res pretio commutantur, ea ratione, ut venditor obligetur ad tradendam rem ejusq; aut transferendum dominum, aut præstandam Evictionem, Emto contra ad dandum Venditori pretium.

(a) Vid. Nic. Mozz. de Contract. Rubr. de Emotione & Venditione, Col. 1. num. 10. & seqq. ubi multas Dd. definitiones recēset & examinat. (b) Cōjungūtur sub hac definitione Emto & Vēditio, utpote quæ sunt correlativa, quorū natura & regula est, ut ad positionem unius, sequatur positio alterius; & è contra ad remotionem unius, sequatur remotio alterius, quemadmodū Logicorum id testantur libri. Hinc, vocabuli Emotionis & Venditionis promiscuus in Jure nostro usus est, & sumitur emere,

pro vendere, in l. un. C. si serv. exter. se emi mandav. vicissim vendere pro emere, in l. si in emione 34. in pr. ff. de contrah. emt. Vultej. in pr. Inst. de Emt. & Vend. n. 3. Differunt tamen Emtio-Venditio, ratione personarum, cum alia sit persona Emotoris, qui pretium dat, alia Venditoris, qui rem tradit, l. i. §. i. ff. de contrahend. emt. pr. l. i. ff. de rer. permut. Nic. Mozz. de Emt. & Vendit. col. i. num. 2. & 3. Treutl. vol. 1. Disp. 28. tb. 1. lit. (a) Excellentifi. Dn. D. Coselius Praeceptor iugi observantia devenerandus, in Enodatione l. 23. ff. de Reg. Jur. (c) per l. Laveo. 19. §. contractum ff. de Verb. Signif. (d) uti appareat ex l. i. §. 2. ff. de contrah. Emt. l. 5. ff. de Just. & Jur. l. jurisgentium. 7. §. quæ pariunt. i. ff. de pact. (e) Contractuum varias divisiones Juris Dd. nobis tradunt, Vid. Mozz. de Contractu. b9 in genere, art. 4. n. 1. & seqq. inter quas præcipua est, quod alij sint Contractus Nominati alii Innominati. Nominati dicuntur, qui habent proprium & speciale nomē à lege attributū, e.g. Emtio & Venditio, Locatio & Conductio, d. l. jurisgentium. 7. §. i. ff. de pact. Innominati sunt, qui speciale nomen non habent, sed utuntur communem contractus nomine. Et eorum Ictus Paulus quatuor facit genera: Do ut des; Do ut facias; Facio ut facias; Facio ut des, in l. naturalis. §. & i. ferè tit. ff. de præscript. verb. Schneid. ad §. fin. Inst. de Obligat. Rubr. de Contractibus n. 8. & seqq. Mozz. d. l. num. 11. & seq. Wesenbec. in Parat. ff. de præscr. verb. n. 2. (f) §. actionum. 28. Inst. de action. Et exigitur bona fides non solum tempore conventionis, l. pro emtore 2. in pr. ff. pro Emt. sed etiam sequenti tempore, uti por l. si eum. 68. §. i. ff. de contrah. emt. Bald. & alij Dd. probant. Dolus igitur omnis à Contractu Emotionis ab esse debet, per l. & eleganter 7. in pr. ff. de dol. mal. quum bonae fidei contractus sit, l. 3. §. fin. ff. pro soc. Hanc sequitur sententiam Petrus Gregor. in Synt. Jur. Univ. lib. 25. cap. 2. n. 2. Arum. Exer. 14. tb. 16. Treut. vol. 1. Disp. 28. tb. 2. lit. (f) Dissentire videtur Wesenbec. in Parat. ff. de dol. mal. n. 1.

THES. V.

Post Definitionem Realem, Finis considerationem incurrit. Est autem Finis Emotionis-Venditionis salus publica (a).

(a) Fl-

1345.

(a) Finis Emotionis. Venditionis est, ut necessariæ res inter homines communicentur facilius, & perpetua pecunia æstimatione difficultatibus permutationum subveniatur, prout loquitur Iesus Paulus in l. i. §. 2. ff. de Contrah. emt. Wesenb. in Parat. ibid. n. 11. Just. Meier, in Colleg. Argent. Disp. ad lib. 18. ff. tit. 1. th. 44.

THES. VI.

Hactenus totalis Emotionis-Venditionis consideratio, sequitur partialis, in divisione. Divisiones varias Dd. nobis exhibent, quarum præcipuas solum recensemus. Dividitur Ematio-Venditio (1) in eam quæ est Juris Gentium (a) & eam quæ Iuris Civilis (2) Dividitur Ematio-Venditio in Publicam, (b) & privatam. (3) Alia est Emotionis-Venditiones species, quæ fit sine (c) scriptura, alia quæ cum scriptura fit. (4) Alia est venditio pura (d) alia conditionata.

(a) De ea quæ est Juris Gentium hic nobis sermo est, & agitur tot. tit. ff. C. & Inst. de Emt. & Vend. Quæ Juris Civilis est, olim vocabatur Mancipatio, & ejus vestigia nonnisi ex fragm. Ulpian. tit. 19. §. 2. hodiè apparent, quapropter ceu antiquatam eam seponimus. (b) De privata hic loquimur, & agit tot. tit. ff. de contrah. emt. C. & Inst. eod. De publica tot. tit. C. de fid. & jur. has & fiscal. (c) pr. Just. de Emt. & Vend. (d) per l. Labeo. 50. ff. de contrah. Emt.

THES. VII.

Divisioni non incongruè subnectitur Constitutio, quæ complectitur Requisita Emotionis-Venditionis substantia, Causam sc. efficientem, & Materiam circa quam. Causa Emotionis-Venditionis, efficiens proxima (a) est consensus atque voluntas contrahentium de re certa, & pretio constituto (b).

(a) Consensus meritò sibi primum vindicat locum inter requisita hujus Contractus substantialia, quum solus is perfectitudinem Emotioni-Venditioni inducat, etiamsi nec pretium solutum, nec res tradita sit, pr. Inst. de Emt. & S. quum autem 3. Just. eod.



eod. Atquè is, in Emtione quæ absquè scriptura celebratur (de
 qua anteriori thesi 5. diximus) expressis ex verbis contrahenti-
 um colligitur, d. pr. Just. de Emt. & Vendit. Sed in Emtione-Vé-
 ditione quæ in scripturam redigenda, consensus tum demum
 perfectus intervenisse creditur quando instrumentum Em-
 tio-
 nis fuerit confectum, & subscriptione contrahentium compro-
 batum, d. pr. Inst. b. t. l. sicut. 8. §. non videtur. 13. ff. quib. mod.
 pign. vel hypoth. Qua ratione quis dubium movere posset, Con-
 tractum hunc, non solo consensu, sed literarum insuper obliga-
 tione perfectum fore. Cöterum respondetur, scripturam hic
 non ex natura hujus contractus, sed ex accidente & pacto homi-
 num intervenire, ut consensum declaret. Excellentiss. D. Coseli-
 us in Enodat. l. 23. ff. de R. f. Cōsensus verò quo modo declaretur si-
 ve verbis, sive literis, sive inter præsentes, sive absentes per literas,
 vel nunciū, nihil subest discriminis, juxta l. 1. §. fin. ff. de contrah.
 emt. modo verbis fiat perspicuis & expressis per l. Labeo. 21. ff. de
 contr. emt. à libero animo nec aliquo metu intricato profecta
 l. 1. C. de rescind. vend. Conditionales enim Emtiones. Venditio-
 nes tum demum perfectionem consequuntur, quando im-
 pleta est conditio, l. 7. in pr. ff. b. tit. Et cum consensui nihil æ-
 què aduersetur atquè Error, l. 15. ff. de Jurisd. nullum dubium
 est, quin error interveniens evertat Emotionis- Venditionis con-
 tractum per l. in venditionibus 9. in pr. ff. de contmb. emt. quod ta-
 men cum grano (ut dicitur) salis accipendum est, nec de quovis
 errore intelligendum. Errōgenim, vel committitur circa ipsū
 corpus, v.c. si fundus Tusculanus pro Corneliano vendatur, &
 cum venditio non subsistit, d. l. 9. in pr. ff. de contrah. emt.; vel com-
 mittitur error in substantia, sive materia, e.g. si æs pro auro ve-
 neat, & tum ex mente Ulpiani contractus is Emotionis- Venditionis corruit, d. l. 9. §. 2. ff. de contrah. emt. ubi alia adhuc limitatio
 adjicienda: si erratur in materia totaliter vitiosa, puta si mensa
 auro cooperta pro solidè aurea venit, & tum Emto- Venditio
 omnino interrupitur, per l. 41. §. 1. ff. de centrah. emt.; quod si
 verò erratur in materia aliquantis per vitiosa puta si aurum cō-
 ruptum pro puro vendatur, Emto quidem subsistit, per l. ali-
 ter. 10.

ter. 10. ff. de contrah. emt. l. quid tamē 14. ff. eod. sed venditor ad
interesse tenerut, per. l. 21. §. 2. ff. de Act. Emt. Wesenbec. in Para-
tit. hic n. 6. Pac. cent. 5. concil. 4. Arum. Disp. ad Dig. 13. th. 1. Boreb.
ir. de Verb. Oblig. c. 5. n. 74. Hackelm. Illustr. Quest. Disp. 11. th. 2.
(b) pr. Inst. de Emt. & Vendit.

THES. VIII.

Materia Emotionis-Venditionis circa quam' dupliči est
in respectu: alia, ex parte Emotoris; alia ex parte Vendito-
ris. Ex parte Emotoris venit Pretium, (a) quod est pecunia
numerata, quæ venditori pro re emta datur. Hoc alte-
rum est requisitum substantiale Emotionis- Venditionis (b)
ad cuius constitutionem pertinet (1) ut persolvatur in pe-
cunia numerata (c) quæ formam habet publicam (d) 2.
ut pretium sit certum (e) 3. ut sit justum & congruum, (f).

(a) Pretij vocabulum polysimum est, & sumitur in Jure nostro
multifarie (1) pro præmio, in l. Lex Cornelia. 5. §. ult. ff. de in-
jur. & famos. libell. (2) pro mercede, ut in l. si quis 10. §. ult. ff. de
acquir. vel amitt. poss. l. insulam 58. ff. locat. (3) pro valore alicujus
rei. Sic pretium vini, olei dicitur in l. ideo. 3. ff. de eo quod certo
loc. dar. oport. (4) pecunia, quæ estimationis, emotionisve causa
constituitur, & ita in l. 1. ff. de contrah. emt. l. i ff. de rer. perm. su-
mitur, quo in significatu & hac in thesi acceptum volumus. (b)
Alterum requisitum substantiale Emotionis- Venditionis locum
occupat, pretium, siquidem absq; eo venditionem nullam esse
Ictus Paulus ait in l. 2. §. 1. ff. de contrah. Emt. & Imperator in pr.
Inst. b. t. non quod naturam Emotionis - Venditionis ingredia-
tur, & ratione perfectionis hujus contractus substantiale requi-
situm foret, quod fieri nequit, quippe Ematio- Venditio solo
constat consensu, pr. Inst. b. t. & contractus ipse à re, quæ in eū-
dem deducitur, diversus est, arg. §. pen. Inst. de V. O.; sed ratio-
ne consummationis substantiale requisitum dicitur.. Vult. ad
pr. Inst. de Emt. & Vendit. num. 8. Parile exemplum prostat in
matrimonio, quod consensu solo firmari dicitur, l. si denationē.
22. C. de nupti. nihilominus deductio sponsæ in domum mariti

B

ceu

eeu necessaria flagitatur in l. 5. ff. de ritu nupt. quod certe de Cō-
 summatione intelligendum est. (c) In Emitione & Venditione
 pretium debet solvi in pecunia numerata, non in fundo, fru-
 mento, ære &c. prout Sabinus & Cassius putabant, l. i. §. 1. ff. de
Contrah. Emt. §. 1. Inst. eod. nisi contractum Emitionis- Venditi-
 onis cum contractu Permutationis confundere velimus. Ex eo
 enim Emilio differt à Permutatione, quod in Emitione- Venditi-
 one optimè dignosci possit, quid pretium sit, quidve merx,
 quis Emotor, quis venditor dicendus; in Permutatione verò non
 æquè, ubi omnia hæc commixta insunt, uti satis dilucidè id
 probat Ictus Paulus in l. 1. ff. de rer. permut. & l. 1. ff. de contrah.
emt. Quod tamen ita intelligendum est, ut pretium in numera-
 ta pecunia determinetur. Nam in numeratione bene potest a-
 lia res, vel etiam nomen debitoris, pro pecunia solvi, per l.
 pretij. C. de rescind. vend. l. 2. §. 1. ff. dereb. cred. modò id fiat
 annuente creditore, secus, eo invito, d. l. 2. §. 1. ff. dereb. cred.
*Mozz. de Emt. & Vend. tit. de Substantialibus Emitionis & Venditi-
 onis, n. 13.* Qua ratione Emotor, cui pretium à venditore remissū
 est, recte ex Emto agere potest, cum conventio & determinatio
 pretij Emitionem perficere dicatur, arg. l. si tibi. 5. ff. locat. con-
 duct. Phil. Matth. ad l. 16. ff. de R. J. Just. Meier. in Coll. Argent.
Disp. ad lib. 18. Tit. 1. ff. tb. 25. (d) Quanta sit nummi in Repub.
 necessitas, quantoque utilitas, non est ut hic dicamus, cum ex
 Politicis satis id constet. Acquiescamus modo in Aristotelis
 effato: Nummus est terminus Emitionis- Venditionis, lib. 1.
Pol. c. 6. Sed ut in omnibus contractibus, ita in Emitionis- Ven-
 ditionis quoq; contractu æqualitas & proportio arithmerica ob-
 servari debet, Arist. 5. Etbic. 5. ut aliquis tantum det, quantum
 accepit, & vicissim tantum accipiat, quantum dedit. Hoc ut
 obtineamus, comparatio rei atque pretij instituenda erit per u-
 triusque æqualem æstimationem, ait Arist. d. l. Quo verò o-
 mnis fraudis præscindatur occasio atq; suspicio, æstimatio nú-
 mi in benè constituta Republ. subditis eripitur, & eam Magi-
 stratus superior sibi vendicat, l. 1. & 2. C. de fals. mon. lib. 2. F. tit.
 quæ sint regalia, cum fides publica fraudis suspicione careat. De
 qua

qua ut constet, forma publica imprimi assolet, l. i. in pr. ff. de contrah. Emt. quæ est testis veritatis & justitiæ, i.e. quod vera sit materia, justi ponderis & æstimij. Ex eo vero, quod Jus numū æstimādi & cūdēdi ad supremā spectet Majestatē, cōmoda deducitur derivatio nūmi δπὸ τὸν νόμον, à lege, quippe qui valorē à lege, viva, magistratu habet. Godofr. ad pr. l. i. ff. de contrah. Emt. lit. (i) Magirus in Comm. ad cap. 5. lib. 5. Ethic. Aristot. lit. (e) Certitudo pretij tantam in se involvit necessitatem, ut, si pretium non sit certum & statutum venditio pro nihilo sit habenda, §. i. Inst. de Emt. & Vendit. l. emti fides. 9. C. de contrah. emt. Dicitur a. pretium certum cuius taxata ac determinata est quantitas, quæ, qualis, quanta, l. sic cum. i. C. de rer. permūt. l. stipulationum 74. §. i. ff. de Verb. Oblig. d. l. 9. C. de contrah. emt. sive ea expresso nomine definita sit, d. l. 74. §. i. ff. de V. O. sive ex demonstratione, quæ vicem nominis fungitur, colligi possit, per l. certum est. 6. ff. de reb. cred. l. nominatim. 34. ff. de condit. & demonstrat. Proinde rectè Emtio- Venditio hisce verbis contrahitnr : Quanti tu emisti hunc fundum, tanti eum redimam : vel, Pro eo pretio, quod in arca habeo, fundum emam, l. hæc venditio. 7. §. i. ff. de contrah. emt. Priori modo quantitas definitur expresso nomine, in verbo quanti; posteriori modo per demonstrationem quantitas indigitatur, ac dehinc meritò subsistit; d. l. 9. C. de contrah. emt. d. l. nominatim 34. ff. de condit. & demonstrat. Et si enim ignoretur quantitas pretij, non tamen exinde pretium redditur incertum, inquit Ulpianus in d. l. 7. §. i. ff. de contrah. Emt. cum plura ignorentur, quæ nihilominus certa sunt. arg. §. 6. Inst. de V. O. Hoenom. Disp. ad Inst. 16. th. 7. Pari ex ratione, si inter aliquos ita convenerit : Quanti Titius vel alius aliquis tertius rem æstimaverit, tanti sit emta, Emtio- Venditio subsistit, & in effectū producenda, §. sed & Inst. de Emt. & Vend. Ubi tamen notandum, quod si is nimio rem æstimet, licet parti læsæ ad arbitrium Judicis recurrere, arg. l. sis societatem. 6. ff. profec. Sichard. ad Rubr. C. de contrah. emt. n. 6. Deniq; valet Emtio- Venditio, si quis vi- num emerit eo pretio, quo in foro publico vendetur Calendis Novembris, arg. l. excepto. 18. C. de locat. & conduct. Iust. Meier in

Colleg. Argentorat. supra c. l. th. 20. Exantea dictis sequitur incertitudinem pretij Emtionem. Venditionem vitiare, quod exemplis planius fiet. (1) Si dicunt contrahentes, Res emta esse debet eo pretio, pro quo erimus concordes, Emtio. Venditio non contrahitur, quia pretium est in incerto, arg. §. 1. Inst. de locat. & conduct. Igitur si inter eos non convenerit, & ex parte venditionis facta fuerit traditio, non datur Venditori actio ex vendito, sed actio subsidiaria in factum. arg. l. sitibi polienda 22. ff. de prescript. verb. (2) Si contrahentes dicunt, res emta sit justo & congruo pretio, Emtio & Venditio non videtur esse celebrata, sed contractus potius innominatus, quia pretium & hic in incerto relinquitur arg. d. §. 1. Inst. de locat. & conduct. Hoenon. Disp. ad Inst. 16. th. 8. Ampliss. Dn. D. Coselius in Enodatione L. 23. ff. de R. J. Disp. Mozz. de Emt. & Vendit. tit. de Substantialibus Emtionis & Venditionis. n. 26. (3) Si contrahentes pretij constitutionem in arbitrium boni Viri, vel etiam peritorum conferunt, Emtio. Venditio eadem ex ratione nulla est. Schneid. ad §. pretium autem Inst. b. t. n. 3. Disp. Hoenon. d. Disp. 16. th. 9. Plura vid. apud. Inst. Meier. in Coll. Argent. Disp. ad lib. 18 tit. 1. ff. th. 21. (f) arg. l. si aequo. 66. l. si fundum per fidei commissum. 92. in pr. ff. de legat. 1. Pretium enim quantitatem rei superare non debet, quippe aequitati naturali, & iustitiae commutativae contrarium est, cum alterius damno locupletari, l. 6. §. 2. ff. de Jur. dot. Accedit, quod ad curam Christianorum Episcoporum pertinere dixerint Divi Imp. Valentinianus & Valens, prospicere, ne negotiatori modus mercandi excedant, h.e. ne carius, quam par sit, merces suas vendant, in l. 1. C. de Episcopal. audient. quod pariter Ulpianus a magistratibus exigit, l. 1. §. 11. ff. de offic. pref. urb. Eo spectat quoq; quod Ictus Paulus afferit, eum, qui in contractu Emotionis. Venditionis est Iesus, moderationem ab officio iudicis petere posse, l. officio 17. ff. de contrab. emt. Mozz. de Emt. & Vendit. tit. de Substantialibus Emtionis & Venditionis, n. 19. & 29. Petrus Gregorius. in Syntag. Jur. Univ. lib. 25. cap. 14. n. 2. Verum si quis donationis causa rem minoris vendiderit, Emtio valer, l. si quis 38. ff. b. t. Dissent. Inst. Meier. in Colleg. Argent. loco ante

618.



134

cit. ib. 22. Justum a. ut constituatur pretium , respiciendum est ad valorem monetæ , vel ejus loci in quo traditio fieri deber , per l. ratio possessionis . 3. ff. de action. emt. & vend. Vel ejus loci in quo Ematio . Venditio contracta est , juxta l. semper in stipulationibus . 34. ff. de R. J. Vid. Petru Gregor. in Syntag. Jur. Univ. lib. 25. cap. 14. n. 2. Sichard. ad l. i. C. de contrah. emt. n. 3. Intelligitur autem semper in eo loco contracta Ematio , in quo solutio fieri debet , per l. contraxisse 21. ff. de Oblig. & Action. adeo quidem , ut quamvis alibi revera contractum sit , tamen ille locus non attendatur . Wessenbec. Conf. 14. n. 54. & Conf. 327. n. 51.

THES. IX.

Materia Emotionis-Vēditionis circa quā ex parte Vēditoris dicitur merx , (a) quo nomine insignitur ipsa Res , quā accipit Emotor pro pretio . Hæc tertius est requisitus (b) substantiale Emotionis & Vēditionis , & sub se comprehendit res omnes , tam corporales , quam (c) incorporales , cum suis accessionibus (d) tam præsentes , quam absentes ; (e) item futuras (f) & alienas (g) modo ad commercium sint habiles (h) & in rerum natura existant (i). De quibus assertivè.

(a) Vocabulum merx Alciatus deducit à verbo mercari , (teste Gædd. ad l. 66 ff. de V. S. n. 3.) quod propriissimè loquendo , est negotiari & quæstus faciendi gratia animo revendendi emere : Hinc propria in significatione & stricta , merx sumitur pro re tantum mobili , quæ mercandi , negotiandi , nundinandi quæ causa comparata est , per l. 66. ff. de V. S. Vid. Gæd. ibi , n. 4. à qua tamen significatione eximuntur servi & mancipia , per l. 203. ff. de V. S. Qua ratione bona mobilia , velut vinum , oleum frumentum , carbasum &c. merx dici nequeunt , nisi animo mercandi , quæstusq; faciendi causa habeantur , l. generaliter . 32. S. uxori . 2. ff. de usu & usufr. legat. Impropriè & in lata significatione , merx dicitur quæcunq; res vendibilis , ut in l. i. ff. de contrah.

trah. emt. l. i. ff. de rer. permut. Quia in significatione vocabu-
 lum mercis hic quoquè intellectum volumus. Ratio autem cur
Jctus Paulas in d. LL. rem venditam merx dici voluit, ea est,
 quod differentiam inter Emptionem - Venditionem & Permuta-
 tionem ostendere aptiori excmplō haud potuit, quam à merca-
 toribus adscita mercis pretijquè differentia: ut quemadmodum
 apud eos aliud est merx, aliud pretium, ita in qualibet Emptione-
 Venditione oportere esse aliud instar mercis, aliud pretium, tā-
 quam rei æstimationem. Quæ duo in permutatione dignosci
 nequeunt. Gædd. ad d. l. 66. ff. de V. S. num. 5. (b) Quia sine ea
Emtio. Venditio esse nequit, l. nec Emtio. g. in pr. ff. de contrah.
 Emt. Et dicitur merx substantiale requisitum Emptionis - Ven-
 ditionis, non ratione perfectionis, sed ratione consummatio-
 nis, quemadmodū supra thesi anteriori g. sub scholio (b) de pre-
 tio diximus. Non incommodè a. hic sub tertio & ultimo requi-
 sito monebimus. Quod si quis Emptionem - Venditionem pro-
 bare contendit perfectam, illum omnia tria, consensum scil.
 pretium atq; rem probare debere. Treut. vol. I. Diff. 28. lit. (a)
 Gilhaus. in Arbor. Judic. part. I. cap. 6. §. 220. n. 1. Wesenbec. Con-
 sil. 12. n. 21. (c) Res corporales, sive immobiles eæ sint, sive mo-
 biles, quin vendi possint, nullus dubitabit, & exemplis in l. 7. 8.
 9. 20. & 27. ff. de contrah. Emt. satis pater. De Jure Saxonico i-
 dem quidem licet, rerum tamen immobilium Emptionem - Ven-
 ditionem actis insinuari jubemur Landr. lib. I. art. 52. & 38.
 Weichb. art. 20. vers. Er soll kommen. Quod quidem hodierna
 observantia comprobat; inter ea tamen à Juris Civilis dispositi-
 one non omnino recedit, quippe, si judicialis insinuatio non
 intervenerit, nihilominus Emto. Venditio rata habetur, teste
 Schulz. in Syn. Inst. b. t. lit. (a) Res incorporales quoquè vendi
 possunt, quales sunt: hæreditas, per l. 1. & tot. tit. ff. de hæred. vel
 action. vend. Servitutes tum prædiales, veluti tigni immitten-
 di, l. cum manu 80. §. 1. ff. de contrah. emt. tum personales, velu-
 ti ususfructus, qui vendi potest non solum ab eo, qui dominiū
 habet plenum, verum etiam ab eo, qui usumfructum solummo-
 do habet, l. cui ususfructus 67. l. non utitur 38. l. quia 39. ff. de usufr.

Nomina

Nomina pariter in Emisionem- Venditionem deduci possunt,
i. si nomen. 4. & *i. nomina 17. ff. de hæred. vel action. vend. insciis*
etiam & invitis debitoribus, *i. nominis.* 3. *C. eod.*; & Actiones
sive personales sint, sive reales, *i. certi g. C. eod.* modo id fiat ante
litis contestationem; res enim litigiosa vendi nequit, *tot. tit. C.*
de litig. *i. fin. C. de hæred. vel action. vend. Myns. i. obf. 55.* & mo-
do actiones illæ sint activæ, (ut loquuntur Dd.) passivæ enim a-
ctiones in hæredem non transeunt, *arg. l. 2. C. de hæredit.* & *a-*
ction. vend. Mozz. de Emt. & *Vendit. tit. de Rebus quæ emi & ven-*
di posunt. n. 6. & seq. (d) Cum principale omne trahat ad se ac-
cessorium *arg. l. fundi. 25. §. ult. ff. de pecul. legat. l. hæres. 100. §.*
ult. ff. de legat. 3. ea quoq; quæ rei venditæ cohærent unà ven-
dita esse intelliguntur, *l. æde. 73. ff. de contrab. emt.* quod tamē
de ijs solum, quæ tempore contractus cohærent, dicitur, *l. Ru-*
tilia. 69. ff. eod. Dehinc fundo vendito, fructus & instrumenta
adhærentia quasi pars fundi vendita intelliguntur, per l. qui fun-
dum. 40. §. fin. l. si aquæ ductus. 47. & seqq. ff. eod. tit. Wesenbec. in
Parat. ibid. n. 8. (e) *Emtio & Venditio parit obligationem ex*
solo consensu, ideoq; præsentiam non requirit, pr. Inst. de
Emt. & Vend. (f) *Quales sunt futuri ex agro fructus, partus,*
captura piscium, avium, per l. nec emtio. 8. §. l. ff. de contr. emt.
ubi notanda distinctio inter Emisionem rei futuræ, & inter em-
tionem spei, ex l. nec emtio. 8. ff. b. t. & pr. l. necessario. 8. ff. de
peric. & com. rei vend. Hæc namq; pura est, & contracta esse
dicitur Emtio etiamsi nulla res sequatur, d. l. 8. §. l. ff. de contrab.
emt. Illa pro conditionali habetur usquè dum res existit, *pr. l.*
8. ff. de peric. & commod. rei vendit. Igitur si quis specialiter
fructuum futurorum Emisionem- Venditionem contraxerit &
nulli prorsus nati fuerint, Emtio- Venditio non valet, arg. d. l.
8. in pr. ff. de contr. emt. & quia rei futuræ, non spei facta est em-
tio. Quod si v. aliqui fructus nati fuerint, etiam si tenues, Em-
tio- Venditio est perfecta, nec remissionem pretij Emotor impe-
trare potest. Connan. 7. Comm. 6. Harp. ad §. fin. Inst. b. t. n. 21. (g)
l. rem alienam 28. ff. de contrab. emt. l. ex emto. u. §. im-
primis. 2. ff. de action. emt. nec eō quicquam Juris verò
Domino aufertur, l. nemo 6. C. de reb. alien. non alienand. potest
enim

enim res Emteri tursus eripi, d.l.8. ff. b. t. Ratio a. cur res aliena vendi possit, videtur hæc subesse, quia venditor non cogitur facere rem Emoris, l. si ita. 25. §. 1. ff. de contrah. emt. sed ad traditionem solum tenetur l. servus. 30. §. 1. ff. de action. emt. & vend. l. sed ad 30. ff. de contrah. emt. Treut. vol. I. Disp. 28. tb. 4. lit. (e) Sutholt. Disp. 25. aph. 14. Hinc Rei traditionem Dd. distinguunt à rei datione. Nam dare rem, ajunt, est dominium in accipientem conferre; tradere vero rem, est rem accipienti exhibere etiam absq; dominio. Sichard. ad Rubr. C. de contr. Emr. n. 7. Cœternm non parum differt, sciens Emr rei alienæ ab ignorantie. Hic enim et si rem alienam suam facere non possit, venditorem tamen ad id, quantum interest, rem evictam non esse, sibi facit obligatū, l. cum successores. 23. C. de Evict. Ille, nisi subsecuta sit evictionis stipulatio, ne quidem pretium repetere potest, l. si fundum. 27. C. eod. In dubio autem semper præsumitur Emtorem ignorasse rem emtam non esse venditoris. Myns. cent. 5. Obs. 25. Gail. 2. Obs. 69. n. 2. (h) l. si in Emtione. 34. §. omnium i. ff. de contrah. emt. (i) l. domum. 57. in pr. l. 8. in pr. ff. de contrah. emt. nisi res probabilititer spectetur, ut fructus futuri, l. 8. ff. b. t. Wesenb. in Parat. ibid. n. 7. Sutholt. dissert. 15. aph. 13. Mozz. de Emr. & Vend. tit. de Substantialibus Emtionis & Ventionis, n. 2. & seqq.

THES. X.

Hactenus assertivè, de rebus quæ in Emtionem-Ventionem deduci possunt; sequitur negativè, de rebus quæ in commercium trahi nequeunt. Idquæ vel Naturæ; vel Jure Gentium; vel Jure Civilis (a). Natura sua in commercium non abit, liber homo (b).

(a) Divisio hæc fundata est in l. 34. §. 1. ff. de contrah. emt. §. ult. Inst. b. t. (b) d. l. 34. §. 2. l. 70. ff. eod. nisi quis per ignorantiam à venditore deceptus sit, & tunc Emr contra venditorem actione ex emto agere potest ad consequendum interesse, l. 4. ff. de contrah. emt.

THES. XI.

Jure Gentium ab Emtione & Ventione eximuntur Res sacræ, religiosæ & sanctæ (a).

(a) l.

1782.

(a) *l. & liberi. 4. pr. l. sed Celsus. 6. l. hanc legem. 22. ff. de contrab.*
emt. unde nullius in bonis esse dicuntur, §. nullius. 7. Inst. de rer.
divis. & alienatio earum prohibita, l. jubemus. 14. in pr. & auth.
Hoc Jus. C. de S. S. Eccles. nisi ingens urgeat necessitas, l. sanc-
mus 21. C. eod. Quod si ejusmodi res ignorantis vendita, tunc Em-
tio- Venditio in se & sua natura pro firma habetur,
in præjudicium venditoris, adeo ut venditor non ali-
ter obligetur ex emto, ac si rem prophanam & suam
vendidisset, & Emto agere potest actione Emto adver-
sus venditorem scientem, §. ult. Inst. b. 1. Subolt. Dissert. 15. apb.
16. Quandoq; v. & haec res accessorie & mediate vendi possunt,
e. g. Jus patronatus quod Ecclesiasticum & sacrum est, cum uni-
versitate transire potest cap. 13. X. de jur. patron. Harp. ad §. fin.
Inst. b. 1. n. 3.

THE S. XII.

Jure Civili & Statutario prohibitæ sunt in Emtionem
Venditionem tradi: Res publicæ (a) res dotalis (b) litigio-
ſæ (c) furtivæ (d) bona minorum, furiōrum & prodigo-
rum (e) bona avita (f) prædia feudalia (g) & Emphyteu-
tica (h).

(a) *L. sed Celsus 6. ff. de contmb. emt. qualis est Juris dictio, & e-*
mens ejusmodi rem, venditorem ad Evictionem sibi non obli-
gat, Menoch. lib. 2. arbitr. Jud. cas. 488. Aliquando tamen eadem
rectè vendi possunt, si res minoris sunt pretij, veluti mancipia
publica, prædia publica &c. & majus exinde Reipublicæ pro-
maneat commodum, & singuli ciuiū, vel etiā eorū potior pars
cū expressione nominis consenserint, per l. fin. C. de vend. reb. ci-
vitat. (b) pr. Inst. quib. alienar. lic. l. 1. §. & cum 15. C. de rei uxor.
action. l. Lex Julia. 4. ff. defund. dotal. l. cum vir. 42. ff. de usurpat.
& usucap. (c) tot. tit. C. de litig. l fin. C. de hered. & act. vend. l. 1. ff.
de litig. l. 1. §. fin. ff. quæ res pignor. vel hypoth. datae. Imo, quod
si quis sciens litigiosam rem emerit, emtor una cum te amittit
pretium, quod in fiscum transferendum, & Venditor parem in-
super quantitatem in poenam fisco inferre tenet l. fin. C. de li-
C
tig.

tig. Si quis verò inscius rem emerit litigiosam, Emtio quidem annhilatur, pretium tamen cum alia tercia parte Emotor recipit, d. l. fin. C. eod. Quæ a. res dicatur litigiosa, Jctus Irnerius in auth. Litigiosa C. eod. exponit. (d) l. si in emtione. 34. §. item. 3. ff. de contrah. emt. Hic tamen sciens Emotor ab ignorantie discernendus. Nam si quis inscius rem furtivam emerit, tenetur quidem eam restituere, aut si consumta est, pretium refundere, l. incivilē. 2. C. de furt. Venditorē tamē sibi obligatū habet. d. l. 34. §. 3. ff. de contrah. emt. Mozz. de contract. Rubr. de Emotione & Vendit. tit. de Rebus quæ emi & vendi possunt. n. 31. Schn. ad §. fin. Inst. b. t. n. 3. Menoch. de Recup. posseß. Remed. 16. num. 32. Si verò sciens rem furtivam emerit, furti tenetur. arg. d. l. 2. C. de furt. & hodierna ex observantia pœnæ fustigationis vel relegationis subjicitur, teste Berlich. Concl. 44. part. 5. n. 4. & seq. (e) Bona minorum alienari non posse patet ex l. 1. ff. de reb. cor. qui sub tutel. vel cura, tot. tit. C. de prad. & aliis reb. minor. De furiosorum bonis idem Juris est, per l. Marcellus. 25. ff. de fidejusser. & mandat. His comparantur prodigi, l. orationi. 2. C. de curat. furios. vel prodig. Mozz. de Em. & Vend. tit. de Rebus quæ emi & vendi possunt n. 42. Treut. vol. 1. Disp. 28. th. 5. lit. (e) Quandoquè tamen, si ingens suadeat necessitas, bona eorum cum decreto Judicis, prævia causæ cognitione, vendi possunt, per l. minorum. 6. & tot. tit. C. de prad. & aliis reb. minor. Mozz. d. l. Quæ verò ad causæ cognitionem pertineant, eruditè persequitur Menoch. de Arbitr. Judic. lib. 2. Cas. 172. (f) De Jure Civili licet cuivis bona avita vendere quandocunq; velit, l. dudum. 14. C. de contrah. emt. De Jure Saxonico non datur eadem facultas. Cum enim Jus Retractus (quod ὁρθομένως dicitur) Reipublicæ videretur proficuum, ac Jure divino comprobatum Lev. 25. Saxonici deprehenderent Juris authores, illud in usum revocare non dubitabant. Landr. lib. 1. art. 8. & 2. libr. 3. art. 83. Treut. vol. 1. Disp. 28. th. 5. lit. E. Quod Electori Augusto etiam placuit, part. 2. const. 31. ubi tamen solis ascendentibus & descendantibus, ijsquè gradu proximiōribus, collateralibus non æquè, Jus retractus concedit. Vid. Berlich. part. 2. Concl. 39. Schulz. in Syn. Inst. de donat. lit.

lit. (b) & tit. quib. alienar. lic. vel non lit. (a) (g) Prædia feudalia, quamvis alienari possint, absq; domini tamen consensu vasallo ea vendere non potest, per Constitutionem Friderici II. Imperatoris, tit. 55. lib. 2. F. nisi ingenseum urgeat necessitas, quæ cū periculo vitæ ejus suorumq; conjuncta est, arg. l. ult. C. de par. qui fil. distractus. idq; observantia comprobatum esse testatur Myns. 6. obs. 30. (h) Per l. fin. C. de Jur. Emphit. Sichard. ibid. Moller. Semestr. lib. 3. c. 45. n. 3. Carpz. in Jurisp. F. R. S. part. 2. const. 28. def. 18.

THES. XIII.

Hucusquè de materia circa quam, Rebus scilicet, sequitur de Materia in qua, nempe de Personis, quarum aliæ ad Emissionem Venditionem sunt idoneæ, aliæ minus idoneæ. Sed cum contrariorum uno cognito, cognoscatur & alterum (a) videamus solummodo eos, qui contrahere Emissione-Venditionem nequeunt. Arcentur a. ab Emissione-Venditione, aliij Natura, ut infans & furiosus (b). Alij Lege, idquè vel ob ingenij imbecillitatem, ut pupillus, minor, (c) vel ob corruptos mores (d) ut prodigus.

(a) pr. Inst. de his quisui vel alien. jur. Ever. in Top. Loc. à contrar. n. 1. (b) l. obligationes. i. §. furiosum. 12. ff. de O. & A. l. 2. C. de contrab. emt. §. sed § 4. Inst. de Curator. l. in negotiis. 5. l. furiosi. 40. ff. de R. J. Ratio est, quia furiosus nullum animi judicium habet, atq; ideo nihil quicquam agere aut velle potest l. 47. ff. de acquir. vel amitt. hered. Phil. Matth. ad l. 5. ff. de R. J. n. 3. Parvulus ratio militat in infante, l. pupillus. 9. ff. de acquir. vel amitt. hered, l. quod infans. 60. ff. de reivindic. Bronch. ad d. l. 5. ff. de R. J. §. sed quodro. Inst. de inutil. stipular. (c) Pupillum absq; tutoris auctoritate nequè vendere, neq; emere posse constat ex pr. Inst. de author. tutor. l. pupillus. 5. §. 1. ff. de author. tutor. nisi eō conditio ejus melioretur d. l. 5. in pr. & §. 1. ff. eod. l. 13. §. 1. l. 41. ff. de condit. indeb. Eadem sorte fruitur minor per l. si curatorem. 3. C. de in integr. restitut. minor. Sichard. ibid. Gædd. ad l. 21. ff. de V. S. n. 6. (d) Prodigus, cui persententiam judicis bonis interdictum est,

emere vel vendere nequit, pr. l. Julianus. 10. ff. de curat. furios. l.
is cui bonis. 6. ff. de V.O. l. furiosi. 40. ff. de R. Jur.

THES. XIV.

Materiam excipit Effectus, qui vel Internus; vel Externus. Internum Effectum Emtio-Venditio triplicem producit: I. quod periculum & commodum rei venditæ, licet ea emtori nondum tradita sit, ad Emtorem pertinet, statim atquè de pretio contrahentes convenerint, (a) II. Quod perfecta Emtoe non sit locus (b) pœnitentiae, sed uterque obligetur ad implendum contractum, h. e. Emto ad exhibendum pretium, & Venditor ad tradendam rem (c) III. Quod Venditor obligetur ad præstandam Emtori Evictionem (d).

(a) §. cum autem. 3. Inst. de Emt. & Vend. l. necessariò. 8. ff. de peric. & commod. rei vend. quod & Juri Naturali consonum est, secundum quod incommoda cujusq; rei sequuntur cum, quem sequuntur commoda l. 10. ff. de R. J. Igitur cum commoda & accessiones rei venditæ ad Emtorem transcant, quod patet exemplo thesauri inventi in domo vendita, qui Emto cedit, l. à tute. 67. ff. de rei vindic. incommoda quoq; ad eū pertineant. Quod si v. cnlpa, mora, vel fraude venditoris res interiit, periculum ad venditorem spectat, d. §. cum autem. 3. f. b. t. Plures hujus regulæ Exceptiones tradit Schneid. ad c. §. 3. Inst. b. t. n. 3. & seqq. Myns. cent. 6. obs. 36. Petr. Gregor. in Syntag. f. II. lib. 25. cap. 18. n. 8. Quomodo a. Venditor in mora esse dicatur exponitur in l. ratio. 3. §. ult. vers. mora ff. de action. emt. & vend. Interea Venditor ante traditionem ad curam atquè custodiam rei venditæ bono patri familias convenientem, obstrictus est, l. hoc ita. 2. §. custodiam. t. l. custodiam. 3. ff. de peric. & commod. rei vend. l. quod sepè. 35. §. f. res. 4. ff. de contrab. Emt. l. vendor. 36. ff. de action. Emt. & vend. non tamen tenetur de casu fortuito, d. §. cum autem. 3. f. b. t. nequè de eo, quod servorum negligentia commissum est, l. si vendita. 11. ff. de peric. & comm. red. vend. d. §. 3. Inst. b. t. nisi ~~████████~~ fortuitum casum in se suscepit. l. si ut cert. partio

80. §.

1319.

to. 5. §. 2. ff. *commod.* l. *qua fortuitis.* 6. C. *de pignorat. action.* (b)
l. *ratus.* 7. C. *de rescind. vend.* l. *res bona.* 54. ff. *de contrah. emt.* We-
senb. in Parat. ibid. (c) *Perfecta Emotione Emotor pretium Vē-
ditoris facere debet*, l. *ex emto.* 11. §. 2. ff. *de action. emt.* & *vend.*
pr. l. 1. ff. de rer. permut. Venditor è contra Emotor rem præstet,
d. l. 11. §. 2. ff. *de act. emt.* & *vend.* Wesenbec. in Parat. ff. *de contrah.*
emt. n. 12. Non equidem Rem Emotoris facere tenetur, l. *sita.*
25. §. *qui vendit.* l. ff. *de contrah. Em.* quemadmodum Emotor
pretium Venditoris facere necessum habet, d. l. *ex emto.* 11. §. 2.
ff. *de action. emt.* & *vend.* sed sufficit si dominium tale, quale i-
pse habet, in Emotorum transfert, & Evictionis nomine eidem se
obstringit d. l. 11. §. 2. ff. *cod.* Rationem Dd. hanc tradunt: ne
propter incertitudinem & difficultatem probationis dominio-
rum impediatur hic contractus usibus quotidianis maximè ne-
cessarius. Wesenbec. in Parat. *de contrah. Em.* n. 12. Petrus Gre-
gor. in Syntag. Jur. Un. lib. 25. cap. 18. n. 4. Atquè ex eo Emotoris
differt conditio à Venditoris; rationem differentiæ Arumæus
in eo collocat, quia pretii aliàs nullus foret usus, si Emotor id
non faceret Venditoris; at rei etiam usus est, licet accipientis
non fiat, cum commodari, locari possit, eaq; de causa traditio
sufficit. Fundamentum hujus responsonis ponit in §. constitu-
itur. 2. Inst. de usufr. Arum. Exer. 14. tb. 4. ubi & Mozz. sententia
am infringit. Præterea tanta Venditori incumbit necessitas tra-
dendi rem, ut non liberetur si interesse solvere velit, d. l. *ex emto.*
11. §. 2. l. *servus.* 30. ff. *de action. Em.* Treut. vol. 1. Disp. 28. tb. 2. lit.
(b) Sichard. ad rubr. C. *de contrah. emt. n. 8.* Schulz. in Syn. Inst.
b. tit. lit. (d) Excellentiss. Dn. D. Coselius, in Eudatione l. 23. ff. de
R. f. (e) l. *ex emto.* 11. §. 2. ff. *de action. emt.* l. *in vendendo.* 66. in
pr. ff. *de contr. emtion.* etiamsi de ea contrahentes non egerint,
l. non dubitatur. 6. C. *de Evict.* Petrus Gregorius in Syntag. Jur. Un.
lib. 25. cap. 22. n. 2. Wesenbec. consil. 12. n. 39. & Consil. 331. n. 197. Te-
netur a. Venditor Evictionis nomine de Jure Civili usq; ad annos
triginta, per l. s. obligatus. 19. l. *emti actio.* 21. C. *de Evict.* juncto
tot. tit. C. *de prescript. trigint. vel quadrag. ann.* Hodierna obser-
vantia discrimen facit inter bona mobilia & immobilia, de il-

lis venditor tenetur uno anno & die; de his verò usq; ad triginata & unum annum cum sex septimanis & tribus diebus: *Vid. Schulz. in Syn. Inst. bic. lit. (c).*

THES. XV.

Effectui Interno Emptionis-Venditionis, Externus subnectundus est, qui consistit in Actionibus. Actiones ex Emptione-Venditione duæ prodeunt, quæ Civiles (*a*) sunt, bonæ fidei, (*b*) transitoriræ, (*c*) & directæ (*d*): prior dicitur actio ex Emto, (*e*) & datur Emtori; altera Venditori conceditur (*f*) & vocatur Actio ex vendito.

(*a*) per l. proinde. 33. ff. de ædilit. edict. (*b*) l. exemto. II. §. 1. ff. de action. Em. & vend. §. actionum. 28. Inst. de action. (*c*) Et datur in hæredem universalem l. non est. 10. l. Lucius. 47. ff. de action. emt. non verò singularem. *Wesenb. in Parat.* ff. de action. emt. & vend. n. 2. (*d*) quia utraquè ab eo, cui competit, nomen sortita est, *Vultej. in Jurisprud. Rom. cap. 9. n. 2.* & quia utriusq; contrahentium par ratio ijsdem habetur, *Wesenb. in Parat.* ff. de action. emt. & vend. n. 2. aliquando tamen utiles evadunt, quando ijsdem agitur ad Emptionem-Venditionem rescindendam, l. ex emto. II. §. si quis virginem. 5. & seq. ff. de action. emt. & vendit. *Wesenbec. d. l.* (*e*) Hæc actio datur Emtori qui pretium solvit, l. Julianus. 13. §. obferri. 8. ff. de action. emt. & vend. contra Venditorem, ad consequendam rem venditam, l. ex emto. II. §. 2. ff. b. t. l. 1. C. eod. cum vacua ejus possessione, l. si in emtione. 2. §. 1. ff. d. tit. de action. emt. & vend. l. sfpater. 8. C. eod. & rei accessionibus, l. post perfectam. C. d. tit. (*f*) Quæ datur Venditori contra Emtem ad consequendum pretium, cum ejusdem usurris, l. Julianus. 13. §. ex vendito. 19. & seq. ff. de action. emt. & vend. Nec interest, sive quis proprio, sive alieno nomine emerit, ac potest Venditor nihilominus procuratorem ac si proprio nomine emisset, ad solutionem compellere, per l. cum vendente. 4. C. ubicaus. fiscal. *Fulv. Pacian. de Probat. vol. I. cap. 26. n. 26.*

THES. XVI.

Restat, ut de accessorio Emptionis-Venditionis, arrha, quædam subjungamus. Dicitur autem Arrha Emptionis ac-

1321.

nis accidens', quia absquè ea rectè contrahi potest (a) quæ si data, priusquam Emtio-Venditio perfecta est, facultatem recedendi à contractu cum amissione ejusdem, non infringit; secus si perfecto contractui superaddita est, & tunc ab eodem ne quidem cum jactura arrhæ resilire licet (b).

(a) *pr. l. quod s̄apē 35. ff. de contrah. emt. & dari arrha solet*, vel in præsenti pecunia, ut patet ex *l. ex emto. II. §. 15. qui, 6. ff. de action. emt. & vend.* vel in alia quavis materia prout videre est in *d. l. II. §. 6. ff. de action. emt. & vend. l. cuicung. 5. §. 15. ff. de insitor. action.* Priori modo arrha in partem pretij cedit, *l. de Lege. 6. l. mulier. 8. ff. de Lege commiss.* Posteriori modo in argumentum solummodo & probationem Emtionis datur, *d. l. quod s̄apē 35. ff. contrah. emt. Vid. Schneid. ad pr. Inst. de Emt. & Vend. n. 13.* & consumta Emtione- Venditione repeti potest, adserente *Cujac. lib. 9. obs. 17.* (b) Qnæstio hæc satis agitata est, & variæ hic Dd. audiuntur sententiæ: Alij existimant, licere Emotori vel vedoriori pro lubitu à contractu resilire, sive contractus Emtionis- Venditionis perfectus sit, sive imperfectus, modo Emotor arrham amittat; Venditor è contra arrham duplicatam, per *pr. Inst. de Emt. & vend. l. 17. circa fin. C. de fid. instrum. Treut. vol. I. Disp. 28. th. 8. lit.* (b) Aliam decisionem suppeditat *Schneid. ad pr. Inst. b. t. n. 13.* quam nolumus transcribere. Applausum videtur præ coeteris mereri sententia eorum, qui existimant, à contractu Emtionis- Venditionis perfecto data arrha recedere neutri contrahentium licere alteri invito, ne quidem cum jactura arrhæ, per *l. de contractu. 3. C. de rescind. vend. à contractu v. Emtionis- Venditionis adhuc dum imperfecto, cum dispensatio arrhæ recedere quem posse.* Atquè de contractu imperfecto intelligendum esse *pr. Inst. do contrah. emt. & d. l. 17. ff. de fid. instrum. quod prolixè probant, Wesenbec. in Parat. hic. n. 9. Mozz. de Emt. & Vend. tit. de Accidentalibus Emtionis, n. 9. & seqq. Hoenon. Disp. ad Inst. 16. th. 5. Arum. Disp. ad Dig. 13. th. 3.*

THES. XVII.

Huc usquè de Constitutione Emtionis- Venditionis, sequitur ejusdem Solutio. Dissolvitur autem Emto & Ven-

& Venditio modis multis (a). Nos in duobus potioribus hic acquiescemos. Primus modus est contrarius consensus (b) Alter, est læsio enormis, dimidium justi pretij transgressa (c).

(a) De his vide Mozz. de Emt. & Vendit. tit. quibus casibus annuletur Emtio & Venditio. Sichard. ad rubr. C. de rescind. vend. n. 2. & seqq. (b) Quemadmodum solo consensu Emtio - Venditio perficitur, pr. Inst. de Emption. & Vend. ita mutuo dissensu contrahentium dissolvi potest, tot. tit. C. quand. lic. ab emt. disced. quo enim genere quid colligatum est, eodem & dissolvi potest. l. nihil. 35. ff. de R. J. (c) Fit quoq; solutio Emptionis - Venditionis altero invito, puta, si venditor ignorans majoris pretij rem, vili vendiderit, atquè ultra dimidiū læsus sit, tunc Emtio Veditio interveniente Judicis autoritate rescindi potest, nisi Emotor, quod justo deest pretio refundere præoptet, l. rem majoris. 2. C. de rescind. vend. & Contractus ille Judicis autoritate fuerit confirmatus, Sichard. add. l. 2. C. n. 5. Carpz. Jurisp. Rom. Sax. part. 2. const. 34. def. 4. Atquè beneficium hoc rectè Emotor sibi quoq; vendicat, quippe Venditor beneficium hoc sortitur non qua Venditor, sed qua læsus, eademq; in Emto militat ratio ex natura correlativorum. Donell. ad b. l. Sichard. ad eand. n. 4. Schulz. in Syn. Inst. tit. de Emt. & Vend. lit. C. Pari ratione Juris hujus l. 2. beneficium ad quosvis contractus bona fidei extendunt, Sichard. ad hanc l. 2. C. n. 4. Carpz. Jurisp. Rom. Sax. part. 2. Const. 34. def. 1. Hackelm. Disp. II. Illust. Quest. tb. 10. Schulz. a. l. lit. (c).

T A N T U M!

00 A 6414

ULB Halle
002 928 094


3




VL

1017





Farbkarte #13



DISPUTATIO JURIDICA

De

EMTIONE ET VENDITIONE.

Quam

Adspirante divino Favonio
Indultu

Magnifici Ordinis I^ctorum
In illustri Leucoreâ

PRÆSIDE

Viro Amplissimo atq^e Consultissimo

DN. MICHAELE LEDERE-
RO, J. U. D. Facultatis Juridicæ Assessore & p. t. De-
cano spectatissimo, ut & Electoralis Advocato Ordinario,
Præceptore atq^e Promotore suo, optimo,
maximo.

*Placidæ disquisitioni
subjicit*

GEORGIUS BURCHARDI, Witteberg.

*Ad diem Februarij, In Auditorio I^ctor.
H^{oc}is consuetis.*

G. Martii

WITTEBERGÆ,

Ex Officina Typographicâ JOHANNIS HAKEN, 1650.

4 de

XXII

